

漢書

本礼屋藏板

民國乙卯年上

海石竹山房印

嘉慶戊寅

周禮鄭氏注

士礼居刊行

士禮居黃氏叢書目錄

周禮鄭氏注

校宋本有札記

儀禮鄭氏注

宋刻嚴州本有札記

傳崧卿本夏小正

有校錄附集解四卷長洲顧鳳藻輯

天聖明道本國語

韋昭注有札記

剡川姚氏本國策

高誘注有札記

兩漢人物志

元和惠棟著 嗣出

梁公九諫

賜書樓藏鈔本

輿地廣記

曝書亭藏宋本

汲古閣珍藏秘本書目

季滄葦藏書目

藏書紀要

孫慶增著

傷寒總病論

龐安常著 宋本有札記

洪氏集驗方

宋本

焦氏易林

校宋本

博物志

漢古閣影宋連江葉氏本

宣和遺事

宋本

盲史精華

士禮居主人著

嗣出

百宋一廬賦

元和顧廣圻撰 士禮居主人注

百宋一廬書錄

士禮居主人著

嗣出

汪本隸釋刊誤

士禮居主人著

莢言

士禮居主人著

嗣出

附

蜀大字本三經音義

論孟孝經

板大另行

船山詩選

同人唱和詩

士禮居黃氏叢書目錄

周禮卷第一

天官冢宰第一

周禮

鄭氏注

惟王建國

建立也周公居攝而作六典之職謂之周禮營邑於土中七年致政

成王以此禮授之使居雒邑治天下司徒職曰日至之景尺有五寸謂之地中天地之所

合也四時之所交也風雨之所會也陰陽之所和也然則百物阜安乃建王國焉辨

方正位

辨別也鄭司農云別四方正君臣之位君南面臣北面之屬玄謂考工匠

人建國水地以縣置槷以縣視以景爲規識日出之景與日入之景晝參諸日中之景夜考之極星以正朝夕是別四方召誥曰越三日戊申大保朝至于雒卜宅厥既得卜則經

營越三日庚戌大保乃以庶殷攻位於維體
汭越五田甲寅位成正位謂此定宮廟

國經野

體猶分也經謂爲之里數鄭司農云營國方九里國中九經九緯左祖右

社面朝後市野則九夫爲井四井爲邑之屬是也

設官分職

鄭司農云置冢

宰司徒宗伯司馬司寇司空各有所職而百事舉

以爲民極

極中也令天下

之人各得其中不失其所

乃立天官冢宰使帥其屬而掌

邦治以佐王均邦國

掌主也邦治王所以治邦國也佐猶助也鄭司

農云邦治謂揔六官之職也故大宰職曰掌建邦之六典以佐王治邦國六官皆揔屬於

冢宰故論語曰君薨百官揔己以聽於冢宰言冢宰宰於百官無所不主爾雅曰冢大也冢

宰大宰也治官之屬大宰卿一人小宰中大夫二

人宰夫下大夫四人上士八人中士十有六

人旅下士三十有二人

變冢言大進退異名也百官揔焉則謂之

冢列職於王則稱大冢大之上也山頂曰冢旅衆也下士治衆事者自大宰至旅下士轉相副貳皆王臣也王之卿六命其府六人史

十有二人

府治藏史掌書者凡府史皆其官長所自辟除

胥十有二

人徒百有二十人

此民給徭役者若今衛士矣胥讀如諝謂其有才知

爲什長

宮正上士二人中士四人下士八人府二人

史四人胥四人徒四十人

正長也宮正主
宮中官之長

宮伯中士二人下士四人府一人史二人胥

二人徒二十人

伯長也

膳夫上士二人中士四人下士八人府二人

史四人胥十有二人徒百有二十人

膳之言
善也今

時美物曰珍膳膳夫食官之長也
鄭司農以詩說之曰仲允膳夫

庖人中士四人下士八人府二人史四人賈

八人胥四人徒四十人

庖之言苞也裹肉曰苞苴賈主市買知物

賈

內饗中士四人下士八人府二人史四人胥

十人徒百人

饗割烹煎和之稱內饗所主在內

外饗中士四人下士八人府二人史四人胥

十人徒百人

外饗所主在外

亨人下士四人府一人史二人胥五人徒五

十人

主爲外內饗煮肉者

甸師下士二人府一人史二人胥三十人徒

三百人

郊外曰甸師猶長也甸師主共野物官之長

獸人中士四人下士八人府二人史四人胥

四人徒四十人

廬人中士二人下士四人府二人史四人胥三十人徒三百人

鼈人下士四人府二人史二人徒十有六人

腊人下士四人府二人史二人徒二十人

腊之

言夕也

醫師上士二人下士四人府二人史二人徒

二十人

醫師衆醫之長

食醫中士二人

食有和齊藥之類

疾醫中士八人

瘍醫下士八人

瘍創癰也

獸醫下士四人

獸牛馬之屬

酒正中士四人下士八人府二人史八人胥

八人徒八十人

酒正酒官之長

酒人奄十人女酒三十人奚三百人

奄精氣閉藏者

今謂之宦人月令仲冬其器闕以奄女酒女奴曉酒者古者從坐男女没入縣官爲奴其少才知以爲奚今之侍史官婢或曰奚官女

漿人奄五人女漿十有五人奚百有五十人

女漿女奴

曉漿者

凌人下士二人府二人史二人胥八人徒八

十人

凌冰室也詩云二之日鑿冰沖沖三之日納于凌陰

籩人奄一人女籩十人奚二十人

竹曰籩女籩女奴之

者曉籩

醯人奄一人女醯二十人奚四十人

醯豆實也醯不謂

之豆此主醯豆不盡于醯也女醯女奴曉醯者

醢人奄二人女醢二十人奚四十人

女醢女奴曉醢

者

鹽人奄二人女鹽二十人奚四十人

女鹽女奴曉鹽

者

幕人奄一人女幕十人奚二十人

以巾覆物
曰幕女幕

女奴曉
幕者

宮人中士四人下士八人府二人史四人胥
八人徒八十人

掌舍下士四人府二人史四人徒四十人

舍行

所解止
之處

幕人下士一人府二人史二人徒四十人

幕帷

覆上
者